

# Канон молебный ко Пресвятой Богородице, поемый во всякой скорби душевной и обстоянии

*Творение Феостирикта монаха. Глас 8-й.*

*Припев: Пресвятая Богородице, спаси нас.*

## Песнь 1.

**Ирмос:** Воду прошед яко сушу, и египетскаго зла избежав, израильтянин вопиаше: Избавителю и Богу нашему поим.

**Многими** содержимь напастями, к Тебе прибегаю, спасения искый: о Мати Слова и Дево, от тяжких и лютых мя спаси.

**Страстей** мя смущают прилози, многого уныния исполнити мою душу; умири, Отроковице, тишиною Сына и Бога Твоего, Всенепорочная.

**Слава:** Спаса рождшую Тя и Бога, молю, Дево, избавитися ми лютых; к Тебе бо ныне прибегаю, простираю и душу и помышление.

**И** ныне: Недугующа телом и душею, посещения Божественнаго и промысления от Тебе сподоби, едина Богомати, яко благая, Благаго же Родительница.

## Песнь 3.

**Ирмос:** Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, едина Человеколюбче.

**Предстательство** и покров жизни моей полагаю Тя, Богородительнице Дево: Ты мя окорми ко пристанищу Твоему, благих виновна, верных Утверждение, едина Всепетая.

**Молю,** Дево, душевное смущение и печали моей бурю разорити: Ты бо, Богоневестная, Начальника тишины Христа родила еси, едина Пречистая.

**Слава:** Благодетеля рождши добрых виновнаго, благодеяния богатство всем источи: вся бо можеша, яко сильного в крепости Христа рождши, Богоблаженная.

**И** ныне: Лютыми недуги и болезненными страстими истязаему, Дево, Ты ми помози: исцелений бо неоскудное Тя знаю Сокровище, Пренепорочная, неизживаемое.

**Тропарь, глас 2-й.** Моление теплое, и стена неборимая, милости источниче, миру прибежище, прилежно вопием Ти: Богородице Владычице,

предварі, и от бѣд избáви нас, едина вскорѣ предстáтельствующая.

#### Пѣснь 4.

**Ирмос:** Услы́шах, Гóсподи, смотрѣнія Твоегó та́инство, разумѣх дела́ Твоя́, и просла́вих Твоѣ Божество́.

**Страстѣй** моих смущѣние, Кóрмчию рóждшая Гóспода, и бúрю утиши́ моих прегрешѣний, Богоневѣстная.

**Милосѣрдия** Твоегó бѣздну призывáюще пода́ждь мѣ, Яже Благосѣрдаго рóждшая, и Спáса всѣх пою́щих Тя́.

**Наслажда́ющесея**, Пречѣистая, Твоѣх даровáний, благодарственное воспевáем пѣние, вѣдуще Тя́ Богомáтерь.

**Сла́ва:** На одрѣ болѣзни моея́ и нѣмоци низлежа́щу мѣ, я́ко Боголюбѣва, помози́, Богородице, едина́ Приснодѣво.

**И** ны́не: Надѣжду и утверждѣние, и спасѣнія стѣну недви́жиму, иму́ще Тя́, Всепѣтая, неудобства вся́каго избавля́емся.

#### Пѣснь 5.

**Ирмос:** Просвети́ нас повелѣнии Твоѣими, Гóсподи, и мы́шцею Твоею́ высóкою Твоѣй мѣр пода́ждь нам, Человеколю́бче.

**Исполни**, Чѣистая, весѣлія сѣрдце моѣ, Твою́ нетлѣнную даю́щи рáдость, весѣлія рóждшая Винóвнаго.

**Избáви нас** от бѣд, Богородице Чѣистая, вѣчное рóждши Избавлѣние, и Мѣр, вся́к ум преиму́щий.

**Сла́ва:** Разреши́ мглú прегрешѣний моих, Богоневѣсто, просвещѣнием Твоея́ свѣтлости, Свѣт рóждшая Божѣственный и превѣчный.

**И** ны́не: Исцели́, Чѣистая, души́ моея́ неможѣние, посещѣнія Твоегó сподобльшая, и здравіе моли́твами Твоѣими пода́ждь мѣ.

#### Пѣснь 6.

**Ирмос:** Моли́тву пролию́ ко Гóсподу, и Тому́ возвещу́ печáли моя́, я́ко зóл душá моя́ исполнися, и живóт мóй áду прибли́жися, и молю́ся я́ко Иóна: от тлѣ́и, Бóже, возведи́ мя́.

**Смѣрти** и тлѣ́и я́ко спáсл ѣсть, Сáм Ся́ изда́в смѣрти, тлѣ́нием и смѣртию моѣ́ естество́ я́то бѣ́вшее, Дѣво, моли́ Гóспода и Сýна Твоегó, врагóв злодѣ́йствія мя́ избáвити.

**Предстательницу** Тя животá вѣм, и Хранительницу твёрду, Дѣво, и напáстей реша́щу молвѣ́, и нало́ги бесо́в отгоня́ющу; и молю́ся всегда́, от тли́ страсте́й мо́их изба́вити мя́.

**Сла́ва:** Я́ко стѣну прибѣжища стяжа́хом, и ду́ш всесовершенство́е спасѣ́ние, и пространство в ско́рбех, Отрокови́це, и просвещѣ́нием Твои́м при́сно раду́емся: о Влады́чице, и ны́не на́с от страсте́й и бе́д спаси́.

**И ны́не:** На одре́ ны́не немощству́яй лежу́, и несть исцелѣ́ния плóти мо́ей; но Бо́га и Спа́са ми́ру, и Изба́вителя неду́гов рóждшая, Тебе́ молю́ся Благо́й: от тли́ недúг возста́ви мя́.

### Конда́к, гла́с 6-й.

**П**редстательство христиа́н непосты́дное, Хода́тайство ко Творцу́ непрелóжное, не презри грѣшных молѣ́ний гла́сы, но предвари́, я́ко Благо́я, на по́мощь на́с, вѣрно зову́щих Ти́: ускори́ на моли́тву, и потщи́ся на умоле́ние, предстательствующи при́сно, Богороди́це, чту́щих Тя́.

### Пѣснь 7.

**Ирмо́с:** От Иудѣи доше́дше óтроцы, в Вавило́не иногда́, вѣрою Тро́ическою пла́мень пѣщный попра́ша, пою́ще: отце́в Бо́же, благослове́н еси́.

**На́ше спасѣ́ние** я́коже восхотѣ́л еси́, Спа́се, устро́ити, во утробу́ Дѣвья всели́лся еси́, Ю́же ми́ру Предстательницу́ показáл еси́: оте́ц на́ших Бо́же, благослове́н еси́.

**Воли́теля ми́лости,** Егóже родила́ еси́, Ма́ти Чистая, умоли́ изба́виться от прегрешѣ́ний и душе́вных скве́рн вѣрою зову́щим: оте́ц на́ших Бо́же, благослове́н еси́.

**Сла́ва:** Сокрóвище спасѣ́ния и исто́чник нетлѣ́ния, Тя́ рóждшую, и сто́лп утвержде́ния, и двѣрь пока́яния, зову́щим показáл еси́: оте́ц на́ших Бо́же, благослове́н еси́.

**И ны́не:** Телѣ́сныя сла́бости и душе́вныя недúги, Богороди́тельнице, любóвию присту́пающих к кро́ву Твоему́, Дѣво, исцели́ти сподо́би, Спа́са Христа́ на́м рóждшая.

### Пѣснь 8.

**Ирмо́с:** Царя́ Небе́снаго, Егóже пою́т во́и а́нгельстии, хвалите́ и превозно́сите во вся́ вѣки.

**По́мощи** я́же от Тебе́ тре́бующия не презри́, Дѣво, пою́щия и превозно́сящия Тя́ во вѣки.

**Неможѣние** душѣ моея исцеляеши, и телесныя болѣзни, Дѣво, да Тя прославлю, Чѣстая, во вѣки.

**Слава:** Исцелѣний богатство изливаеши вѣрно поющим Тя, Дѣво, и превозносящим неизреченное Твое Рождество.

**И ныне:** Напастей Тѣ прилоги отгоняеши, и страстей находы, Дѣво: темже Тя поем во вся вѣки.

### **Пѣснь 9.**

**Ирмос:** Воистинну Богородицу Тя исповѣдуем, спасенни Тобою, Дѣво Чѣстая, с безплотными лики Тя величающе.

**Тока** слѣз моих не отврати́ся, Яже от всякаго лица всяку слѣзу отъемшаго, Дѣво, Христа рождающая.

**Радости** мое сердце исполни, Дѣво, Яже радости приемшая исполнение, греховную печаль потребляющи.

**Пристанище** и предстательство к Тебѣ прибегающих буди, Дѣво, и стена нерушимая, прибежище же и покров и веселие.

**Слава:** Свѣта Твоего зарями просвети́, Дѣво, мрак неведения отгоняющи, благоверно Богородицу Тя исповѣдающих.

**И ныне:** На мѣсте озлобленія немощи, смири́вшагося, Дѣво, исцели́, из нездравія во здравіе претворяющи.

### **Молитвы ко Пресвятой Богородице.**

**Ц**арице моя преблагая, Надеждо моя Богородице, Приятелище сирых, и странннх Предстательнице, скорбящих Радосте, обидимых Покровительнице! Зриши мою беду́, зриши мою скорбь, помози́ ми́ яко немощну, окорми́ мя́ яко странна. Обиду мою вѣси, разреши́ ту́, яко волиши: яко не ймам инья помощи разве Тебѣ, ни инья Предстательницы, ни благія Утѣшительницы, токмо Тебѣ, о Богомати; яко да сохраниши мя́ и покрѣеши во вѣки веков. Аминь.

**К** кому́ возопи́ю, Владычице? К кому́ прибѣгну в горести мое́й, аще не к Тебѣ, Царице Небесная? Кто́ плач мой и воздыханіе мое́ примет, аще не Ты́, Пренепорочная, Надеждо христиа́н и Прибежище нам грѣшным? Кто́ па́че Тебѣ в напастех защити́т? Услы́ши́ у́бо стенаніе мое́, и приклони́́ у́хо Твое́ ко мнѣ, Владычице Ма́ти Бо́га моего́, и не презри мене́, трѣбующаго Твоея́ помощи, и не отрини мене́ грѣшнаго. Вразуми́ и научи́ мя́, Царице Небесная; не отступи́ от мене́, раба́ Твоего́, Владычице, за роптаніе мое́, но буди мнѣ́ Ма́ти и Заступница. Вручаю́ себѣ́ милостивому покрову́ Твоему́: приведи́ мя́ грѣшнаго к тихой и

безмятежней жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окривляемь? О Владычице Царице Небесная! Ты мне упование и прибежище, покров и заступление и помощь. Царице моя преблагая и скорая Заступнице! Покрый Твоим ходатайством моя прегрешения, защити мене от враг видимых и невидимых, умягчи сердца злых человек, возстающих на мя. О Мати Господа моего Творца! Ты еси корень девства и неувядаемый цвет чистоты. О Богородительнице! Ты подаждь ми помощь немощствующему плотскими страстьми и болзующему сердцем: едино бо Твое и с Тобою Твоего Сына и Бога нашего имам заступление, и Твоим пречудным заступлением да избавлюся от всякия беды и напасти, о пренепорочная и преславная Божия Мати Марие. Темже со упованием глаголю и вопию: радуйся, Благодатная, радуйся, Обрадованная, радуйся, Преблагословенная, Господь с Тобою.